

MAIMONE MAIMONE

Gosi cominzada sa pregadoria chi in sas annadas de siccagna comente custa chi semus bivinde, si intendiada peri sas carrelas de medas biddas sardas. Chie o ite fudi su Maimone ? G.Buttiglioni (1) iscridiada : il contadino sardo, in preda alla disperazione, invoca la manna benefica dal cielo e schiere di donne e di bambini con croci e stendardi sfilano per le strade e chiedono la loro salvezza e quella dei loro averi. A Ghilarza i ragazzi fanno una barella di ferula e di altri rami, la ricoprono di terra e cantano: Maimone Maimone - aba cheret su laore - aba cheret su sicau Maimone lau lau .

Tempus a pustis fintzas ateros istudiosos (3) iscrien de Maimone cernente de una deidade mere de sas abas projosas. Francesco Barreca narat chi fudi unu demone punicu e su numene Maimone beniada dae "MAYM" chi in cussa limba cheriat narrere abba. Taramelli iscridiada chi che fudi in Sardinna su cultu de Dioniso Mainomenos (chi chere narrer Macu Furiosu) e custu faghe' cumprendere poite in cachi idda suni abarradas mascaras chi tenen cussu numene, in Orgosolo sos Maimones de fune e forzis finzas sos mamuthones tenen sa matessi orizine. M.Pittau narada chi su cultu de Santu Bachis in Bolotana siada cussu de Bacco, numene romanu de Dioniso (4). Non si cumprendede poite una deidade de s'aba abbarrede in sas costumanzias sardas, comente mascara de carrasegare, si no es ca in sa mitologia greca Dioniso Mainomenos si cunfundede a bortas cun Zeus e nde pigada totu sos poderes; finzas cussu de deus de s'aba. Po sighire cun Dioniso, in Nuoro in tempos de caristias e sicagnas bessida una femmina sighia dae pitzinnos chi cantande s'avocaiana a Deus e zughiana rughitas de canna tessia (5). Custas rughitas das boghiana in Sedilo pò sa cunfessone de Santu Juanni e si nariana "pandelas de Santu Juanni" pò chie das chere biede nde tenede regortas paritzas sa Pro-Loco in sa sede sua. Sas pandelas non parene rughes ma assimbizana meda a su simbulu de Dioniso, chi fudi s'istrale a duas pinnas. E in Sedilo puru si oghiada, in sas annadas de siccagna, su Maimone, sos pitzinnos faghiana una rughe (o una X ?)(6) cun duas faschizolas de proinca (7) da pighiana in battoro e ziriana peri sas domos cantande:

Maimone Maimone	o si nono	Maimone Maimone
beta aba a su laore		aba cheret su laore
beta aba a su sicau		aba cheret su sicau
Deus sia laudau		Maimone laudau (o lau lau)

Est crani chi custa comente medas ateras tradizionies chi eniana dae sos cultos paganos, sun bistadas cambiadas cando est arribada sa religione cristiana. Cando essiada su mere de sa orno, inue funi cantande, bis pispia da aba a susu, a issos e sa rughe, e a bortas dos istriniada. Chi in Sedilo che fudi custu cultu de Bacco e Dioniso es cunfirmau finzas ca ch'ada ancora oe unu sartu cun custu numene in sa costa de Nordai, in s'oru de Frumene Mannu. Frumene Mannu est su Tirso e Thirsos (8) du mutiana antigamente; e fu finzas su numene de su fuste chi jughiat Bacco. Custu pò como est cantu podimos narrere de Maimone, chie nd'ischidi de prusu o diferente no du fazada a ischire.

NOTE

- 1)G. Buttiglioni: VITA SARDA - note di folclore, canti, leggende.
- 2) Lau lau: in Sedilo si narada de una cosa modde o iffusta meda.
- 3) Lantemari in PREISTORIA e FOLCLORE
- 4) M.Pittau in LA LINGUA DEI SARDI NURAGICI E DEGLI ETRUSCHI.
- 5) M. Sanna: SAS DEIDADES PAGANAS - DIONISO MAIMONE in Sardigna Antiga.
- 6) Fintzas sa ics X ammentada su simbulu de Dioniso, s'istrale a duas pinnas.
- 7) Proinca: o erba de Maimone o maimone, in italianu (Pervinca).
- 8) Thirsos: M.Pittau LA LINGUA DEI SARDI NURAGICI E DEGLI ETRUSCHI.

